



Perpinhan, lo 1 de setembre de 2025

COMUNICAT DE PREMSA

Lo concors CREAOCAT torna amb una 3na edicion que met sul trabalh collaboratiu e contunha a balhar la paraula a las lengas del territòri per las rets socialas

Una edicion novèla del concors CREAOCAT avia amb un format renovelat e un budget total de 12 000 € en borsas pels creators de contenguts en catalan e en occitan annadits de mens de 35 ans

L'[Euroregion Pirenèus Mediterranèa](#) lança l'apèl a candidaturas per la **3na edicion del concors CREAOCAT**, una iniciativa destinada als creators de contengut en catalan e en occitan sus las rets socialas, amb un format novèl que met sus la collaboracion transfrontalièra. L'apèl a candidaturas es obèrt del **1èr de setembre al 30 d'octobre de 2025**.

Aquel concors s'inscriu dins l'encastre dels objectius estrategics de l'Euroregion Pirenèus Mediterranèa en **matèria de cultura**, qu'òbra dempuèi 2021 a la construccion d'una identitat euroregionala fòrta, ancorada dins la **riquesa culturala, lingüistica e patrimoniala comuna** dels tres territòris membres : Catalonha, las Illas Balearas e la Region Occitània.

L'edicion novèla de CREAOCAT, lançada jos la presidéncia de las Balearas, a per mira d'afortir la **collaboracion transfrontalièra** e la visibilitat de las **lengas regionalas**. Per aquela rason, lo concors prepausa aquela annada una novetat màger : la participacion se farà en **grops de tres creators de contengut**, un per territòri membre, e deurà inclure almens un creator de contengut catalanofòn e un creator de contengut occitanofòn.

Aquela dinamica permet de **favorizar los ligams** entre los joves, lo trabalh n'equipa e los **escambis lingüistics e culturals**.

Cada grop seleccionat recebrà una borsa totala de **12 000 €** (4 000 € per persona) per desvolopar lo projècte pendent l'annada 2026. L'objectiu es la creacion e la publicacion conjoncha d'una **video mesadièra** sus las rets socialas que valoriza la diversitat de l'Euroregion.

Los tèmas prepausats son los següents :

- **Gastronomia euroregionala** : plats, produches e recèptas tradicionals.
- **Patrimòni cultural e natural** : monuments, paisatges, fèstas e tradicions.
- **Lengas de l'Euroregion** : provèrbis, curiositats lingüisticas, istòria de las lengas catalana e occitana.
- **Promocion de l'Euroregion** : activitats culturalas, socialas e per la joventut.



L'apèl a candidaturas es obèrt del **1èr de setembre al 30 d'octobre de 2025**. Lo reglament complet del concurs es disponible [sul sit web de l'Euroregion](#).

Pour plus d'informations :

Helena BARRUFET BRAVO | Chargée de Communication

Eurorégion Pyrénées-Méditerranée GECT

El Centre del Món |35, Boulevard Saint Assisclè |CS 32032 | 66011 Perpignan Cedex | France

Tél. +33 (0)4 48 22 22 34 / +33 (0)7 89 61 48 25

helena.barrufetbravo@euroregiono-epm.eu

www.euroregiono.eu | [twitter: @Euroregion](#) | [Instagram: @euroregionpm](#) | [LinkedIn: Eurorégion Pyrénées Méditerranée - Euroregió Pirineus Mediterrània](#)